

福建通志

第柒拾捌冊
循吏傳

福建循吏傳卷八

明五

建寧府建安縣

王銳字允威洪武間爲山東新城教諭遷崇明知縣審驗人戶類分上中下三等定其徭役貢賦之法邑素少科第選諸生才敏者教之自是科第相望值旱蝻生祭八蜡卽雨遂有年累官副都御史從父璵先爲崇明知縣徙建城郭創縣治定坊巷皆其力也

吳春永樂丙戌進士知婺源縣摧豪猾清獄訟均徭役民有逋租數年未輸春從容勸率未幾悉辦事隙輒至學舍與諸生講說飛蝗入境春引咎籲禱蝗悉赴水死

范僑字克高嘉靖初年三十餘授江都瓜步巡檢以捕盜功擢信陽主簿職貢事豪駟因緣爲奸市他簿率坐交通以敗僑獨修潔豪駟宿逋累巨萬僑疏以聞帝下所司誅諸奸秩滿調博羅益剛介自持以母老求歸養

福建循吏傳

楊棐字賓周嘉靖進士知峽江縣歷遷肇慶知府會粵中有羅旁之役督
府令高要市馬百棐力爭之減十之九縣人轉餉日至山而罷棐曰至山
萬一無護而爲賊必此輩也戒至河反令士自負之力裁浮冗歲省八千
棐節用愛人未幾卒士民如喪所親喪歸奔送爲之罷市

張存義字宜甫嘉靖進士知番禺縣擢刑部主事出知惠州府時盜賊充
斥水旱不時道殣相望存義捐俸及罰鍰市棺置亭中戒亭長曰有求卽
施月課諸生親評文藝而高下之擢兩淮鹽運使以疾歸囊金不滿百

謝璿字天儀父勲字汝賢蚤孤事母孝謹流賊寇郡城突入其家勲挺身
衛母被重創母竟免璿舉嘉靖鄉貢授懷寧教諭擢高州府石城知縣適
廣東海寇猖獗上官檄往捕治璿率兵抵境賊望風遁殲其渠魁歲旱齋
宿露禱三日遂雨是秋獲瑞禾一本九莖

林德卿字懋官父釗十歲喪父葬而廬墓雜作爲生以供母及弟母病足
抱負出入二十餘年德卿嘉靖間歲貢生授登州訓導擢知博興縣奉父

戒以親民爲主邵陵王索賦急德卿條陳不可狀王怒逮繫之里老力爲請命王稱德卿爲鐵頭閩子又條陳減博興清軍數御史爲疏請於朝以父老致仕監司宋某贈之白金謝不受

楊承禎字世興嘉靖間貢生爲興化府訓導擢知北流縣縣故有小河墻欲增之力爭不可且阻其委官之擾狼狽兵常以調用爲苦承禎靜鎮之狼狽大服以不能媚上官拂衣歸子百朋字元重萬厯進士知合浦縣政寬大不苟值內官開採珠池供億殷繁百朋善調停民不爲病內官視守令蔑如百朋據禮不少屈以卓異擢戶部主事筦淮安閘裁罷日供金遷吉安知府

甌寧縣

黃瑞字叔祥洪武間以文學薦授南寧知府興學勸農民夷悅服父憂歸父老伏闕遮留詔服闕仍守南寧政聲益著及卒葬府治後民立祠祀之陳璘字良玉永樂初由監生除常州通判嘗部丁夫役天壽山會車駕臨帝怒工役不

力作予杖郡有豪猾官吏莫誰何琪繫至庭杖死之有富室周某者語人曰陳西衙杯茗款我願千金爲壽琪令移以修孟濱河堤秩滿民詣闕保留進階奉直大夫漚政如故童承綸事繼母孝爲掾吏讀書不輟人笑曰何不讀律承綸曰讀律不讀書譬如屠子學操刀耳成化中官都昌典史捐俸賑民饑鄱陽大水承檄開濬湖工告成民祀之

謝純字梅岐正德舉人授海州知州倣造木牛流馬一鞭可行數十步居官清介海州人有包龍圖之誦忤巡按棄官歸弟昌字石屏官瓊州經歷署澄邁縣事值寇亂昌自督兵每行以一人持刀回顧者卽斬之須臾皆集賊洞以火攻之獲勝以憂歸築思親亭又置義倉以贍宗族

陳紀字仲理嘉靖進士知漢陽縣調鄞縣邑當倭衝文武大吏所至如織官私供億紀先期置廨舍內所需器用及米鹽零雜毫不擾民麻陽兵五百至令各犒豚首一紀曰城所割日幾豚而需首五百耶軍士請賦枯魚紀曰奉禁不得下海安所得魚乃以齎進又需騎五百紀曰邑故得國官

籍馬僅四十焉得五百乃送屬代督府大志軍餉者故需糗糧不_二銀_一下
令簽富民運餉紀因謬爲好於帥以銀易之轉輸者皆得息肩入爲御史
以忤嚴嵩尋出爲廣東參議大帥妄殺邀功紀發其狀論罪厯淮陽按察
副使以父老乞歸

魏良臣字以忠隆慶進士知崇明縣邑有倭警民復相率爲奸設法平之
再補溧陽歲饑有易子食者捐俸倡賑民全活遷工部主事擢南寧知府
平土寇亂交趾入貢卻其例金又捐權關之羨以備邊儲調鄖陽府會大
旱民餉洶將亂爲罷一切煩苛之令遷廣西按察司僉事領提學道卒

陳應熙字仲穆萬厯進士授潮州推官訊鞫論報迎刃而解擢戶部主事
權河西務中官撓政商賈不通應熙上狀置於法尋監兌湖歲大歉請易
糧粟爲折色於是得留粟數萬斛遷員外郎卒從子坊字鍾溪萬厯間郡
大水父柩在家乃懸於梁水大至抱柩不忍去與水出沒者連晝夜

任可受字介臣萬厯舉人授廣州府龍門知縣罷牛鐵稅時山寇橫行躬
番畫百巨專明

冒矢石破雁洋五指九連鬱洞劉洞諸寨還所掠男婦無算遷秩知州

建陽縣

江景成化中爲廣東長樂典史署興寧縣事流賊犯縣城景與民固守旣而大戰於水關口又戰於西門擁秀樓賊遁去

江龍字世霖嘉靖舉人授南寧通判遷左州知州以御史薦改知鬱林州苦積荒田租龍力爲申豁歲減二千有奇又革除斗級請保牛稅諸不便事再遷高州同知議足糧守要害禁鬻子正黃冊豁清勾六年當移調未及赴卒

崇安縣

方直字孟周洪武間諸生薦授萍鄉典史改豐城以廉能著稱召爲文淵閣纂修歷知海寧新鄉二縣用薦入爲御史以不避權貴復出爲新喻知縣

姚志字伯啓洪武間由監生爲束鹿知縣時屬兵後流移未復志課農桑

通商賈嚴戢猾胥雪冤婦凡三年治化大行秩滿邑人懇留再任

黃嘉賓字子揚父琮貢生治詩經授徒時遇晉江諸生趙恆於逆旅奇之
知其困授以所愛館悉召其徒從之恆曰僕所治春秋不習子經奈何琮
代說經而以館金歸之恆撤館歸謂琮曰僕請爲君教子乃攜嘉賓入晉
江就學恆後登第而嘉賓登嘉靖進士知常熟縣摘發如神輸賦者布縛
雞豚皆以其便宜收納會捕沿海寇吳宗盟宗盟入賄於上官乃逮嘉賓
輿論保持之得免邑有福山白茆港自弘治間豪家分據水利壅絕嘉賓
圖疏濬之適邑豪結盜黨千餘私販鹽爲奸利久布賂有司莫之治嘉賓
以計盡擒其黨語之曰汝輩法當死若爲我盡疏白茆者吾出汝罪眾喜
且恐皆刻日受地河流復故旣事乃召其豪杖殺之而赦其子與黨尋擢
戶部主事士民攀輿者如市一父老匍匐云少遭冤獄遇公得釋且泣日
拜其爲王事督運大通橋稽察奸蠹益以嚴肅爲治一日暴卒或謂鹽豪
之子陰酖之初趙恆過常熟聞杖殺鹽豪事就後堂答嘉賓二十日旣革

化矣而何求多焉子其及矣至是果然孫世忠字屏周萬厯舉人授東陽教諭有教澤入爲翰林待詔遷刑部主事奉使南畿所至體卹驛傳使還遷郎中出爲慶遠府署廣西按察副使值獐賊章文義寇掠天河羅城諸邑世忠廣布威信勦撫兼施獐患遂平在官招集流亡萬餘戶免私差數千金尋致仕築抱甕園以居自號石圃老人

翁懋勲字瞻所萬厯間選貢生授賀縣知縣時山寇徐金柱據黑松峒肆掠前官爲備甚嚴懋勲撤守兵曰此皆吾民也從十餘人策馬入峒諭以恩信賊悉就撫峒患遂平歲旱捐俸賑饑新學舍以課士

浦城縣

張璫字孔圭成化舉人授贑州推官時汀韶寇侵贑境因以饑疫民死徙殆盡璫持檄走諸邑治其城池存徠周卹瑞金石城二縣故無城城自璫始屢請發帑以濟活者數萬人尤加意疑獄他郡獄未具者多移璫前後平反死刑四十餘人流以下者不可勝紀遷同知職清軍清軍御史某以

建寧縣

錢釗嘉靖中以吏員任孝感縣丞從征麻陽賊有功在署九載屢著勞績入覲與賜廉吏宴遷本州州判

宋子平字衡甫嘉靖間入太學授南丹衛經歷嘗署賓州事不俟報開廩賑饑再署荔波縣事民苦征擾將爲變諭散之遷泰安州州判適水災亟請停歲徵凡泰山香錢更多私之子平獨不染

廖文瀚字伯約爲諸生時適徐階謫延平推官文瀚從之游階甚器之嘉靖間以選貢謁選吏部時階已當軸或說之曰是不可爲地耶文瀚弗往比選來賓知縣然後謁階來賓錯愕居半八寨盜日禦人於貨不易治階慰而勉之文瀚甫至縣卽擒渠魁五人於是立堡隘嚴偵伺道掠乃絕居五月以憂歸服闋補萍鄉以廉平爲治惟作宄犯科者治如法有強宗蔡氏羅氏善餌令避征爲逋賦冠幷嘗文瀚文瀚陽納誘之來來卽出餽使輸逋不則立懲之逋賦爲清先是諸逋者迫於勾攝往往徙家醴陵瀏陽

攸縣文瀚來治始復其居又侵賦當償而產已絕者凡二十七人或有五世斃獄者於是請以嘉靖元年赦例侵五十金得宥復廣其意百金以下如之一日出狂狴者二十二人民呼之曰青天以目疾乞歸初文瀚得選貢歸道延平值流寇猖獗謁撫按條上十餘策皆驚曰書生安得如此方略如其言遂平寇

徐中台字伯明崇禎間貢生授惠州通判時孽盜出沒嘯聚無常中台嚴保甲陰加緝捕又禁海中八槳飛渡官編船戶號籍巨盜以次就擒厯署歸善長寧諸邑皆有政聲以巡按李雲鴻薦推廬州同知轄江防值流寇入犯扼水陸竭力禦卻之尋乞歸

福建循吏傳卷九

明六

邵武府邵武縣

譔賤生洪武中以貢生授岳池典史與令王佐述至京坐事下獄岳池耆老詣闕訴二人廉介且役均民安帝命勛賈果如所訴遂賜衣肆筵宴復其官尋用薦擢四川按察司僉事列名彰善錄

朱祐字逢吉永樂間以貢授岳池縣職方主事善廉能聲政紹興府通判凡便民者必力爲之歲大饑不待請發倉賑民迭議上民上章請留又七年乃去尙書郭璉薦知漢陽府郡舊無廩軍民渡江輸於武昌數患覆溺祐請立倉府城正統十二年紹興父老詣京乞除祐守本郡比至而祐已歸

周灝字秉純景泰舉人知海鹽縣爲政持大體而善摘奸覆有吏劉淵者巧於弄法致產數千金灝按治之民有因負背婚轉定豪族者訴於灝灝

屬意盾起專明

助之金令成婚豪不敢爭邑苦徭稅瀨議均賦法遂減其半會入計有署
邑者失其庫藏倉皇不能白獨懲監守者瀨閱宿單有直獄黃廣者召鞠
之立吐遂坐之署者問故瀨曰余詢問時有犬母子交口而觸其席二犬
交口者獄也子凌母者獄卒也犬觸席者廣也適閱單得黃廣果得之人
服其神瀨存心平恕獄有冤者輒釋之有不可釋者或縱使歸家與之約
無不應期自至守有不便於民訴弗顧摧松江同知未上卒曾孫清字世
亨萬厯間以掾陳永興典史裁革里甲諸供應歲省民錢千緡知縣他出
委以縣事有富室欲文致八罪以雪怨賄清清不聽山寇甯虎七劫掠清
出奇策捕獲之邑境以平

謝祖嘉靖中貢生官連州訓導遷沔陽州學正署州事會寇起祖悉力捍
禦境賴以安擢藍山知縣潔已愛民未幾乞歸御史馬象乾出其門巡按
至郡數造其廬絕口不道官府事

徐美字忠甫嘉靖舉人知連州廉勤有幹決積牘減征徭舊例鹽課及他

筦榷諸羨餘歲以數千計美一切裁罷一夕微行有二婦簪燈相語
哉涵如吾徐使君山寇陳龍洲每戒其黨毋犯賢守境美聞之曰此可
也躬往招之遂降遷承天同知未上卒

陳俊嘉靖中以選貢生知崇義縣有清操境內盜賊屏息又捐俸闢南
路民爲謠曰高不巖曲不危陳侯功與山齊歷饒州瑞州惠州通判在東
州擒巨寇熊轉二散其餘黨以功遷雲南府同知署曲靖府事尋乞致仕
袁泰字廷和嘉靖中貢生知翁源縣賊首盧老叔倡亂泰以計招撫之泰
壯其狀貌令擒他賊自贖乃使隨官軍從間道搗賊穴而自率壯士陳璘
等絕賊奔路擒獲殆盡四境悉平巡撫御史陳道基紀泰功第一會有
妬者遂託疾歸既歸值鄉民黨斗之亂泰爲畫計捕其渠而翁源所拔壯
士陳璘後官至大都督

吳從周字宗文嘉靖間貢生授慶元訓導四十一年署縣事賊首劉大服
攻城從周與把總桂汝攀合力制敵連七日夜不懈賊遁去以城西北當

山下易窺虛實改築新城六十餘丈於山上邑人號曰吳公城遷國子監學正致仕

王鼎嘉靖間貢生授英德訓導署縣事屬團兵劫庫監司誤繫平民鼎廉知其實遂捕團兵於獄力爭於撫按監司不能奪撫按嘉之曰非王君則陷吾民而賊漏網矣轉吳川教諭致仕

杜鍾秀字德毓隆慶庚午舉人知黃巖縣創義倉邑不病饑縣有官河宋時建永豐等閘以時啓閉嘉靖間海寇猖獗跨河成城堙塞未復鍾秀捐俸濬之甃石爲門不苦旱潦遷惠州通判調岳州岳州統制九谿苗最難馴鍾秀威德並用屬苗變卒擒其魁遷儋州知州

王洵字惟信萬厯舉人授湖廣承天推官有冤獄帶二十年弗白洵廉其實釋之活三十餘人按積奸置之理民蠹一清民間刻像祀焉天啓初遷蘇州同知以緝私鑄觸璫怒罷歸

方遇熙字翼明萬厯舉人知濟寧州亮運河事往漕夫著籍一人嘗冒數

姓當役則僱老弱充數歲濫錢數千緡遇熙欽其老弱不堪者其應役壯丁計工給值河側民嘗隙堤盜水致牘獲運遇熙晝夜巡視有一穴卽治其罪爲運河績最以父憂歸卒

米嘉穗字秀實事繼母孝萬厯舉人崇禎初除鄆城知縣邑介曹充爲盜數豪右恣橫徭賦不均嘉穗立均役輸役之法民便之巨豪及捕役害民者皆置諸法盜宋尙榮等陽就撫陰剽掠如故嘉穗計擒之收餘黨編戶籍總兵劉澤清敗卬道出鄆兵弗戢人情惴懼或遂欲勒甲要之嘉穗不可第豐具犒師令引旆而東兵卒不譁值凶潦道殫相望嘉穗權宜發廩活人甚多調德平尋遷南京兵馬司指揮母憂歸

鄭可大字居業父鳳字子靈嘉靖間以選貢授浙江天台縣丞故事行鹽之地歲徵私鹽價百餘兩繼設關以稽私鹽絕跡而納價如故鳳牒鹽官永罷其徵遷廣東萬州州判民素苦牛嶺黎爲建六議行之海境獲安擢南京東城兵馬司指揮致仕可大萬厯中以貢授廣東惠來知縣度縣所

其弊建五議一曰兵壯當練二曰圖賴當除三曰投匿當禁四曰男女當別五曰孤老當卹靖海所城與縣城圯幾及半設方略勸工彌月而成潮州有隆井鹽場場五柵四附郡一附惠來課戶累甚至鬻子女附潮者告增引而附惠來者又告免增於是當道牒可大議可大以爲課生於引引起於丁耗則官籍特空丁耳若又增引則前引業無可徵後引孰爲依納唯丁實則引自滿矣當道從之逋寇林華峯鄒白眼等三十餘人積歲莫能制詹朝璋陳亮等僞印作奸利可大皆得之繼以卻販者例金二百陰忤當道爲所中左遷襄府審理遂拂衣歸

時瑞萬厯中恩貢授長沙通判有大盜何震東者肆劫掠累家萬金夤緣當道人莫敢誰何瑞誘其來杖殺之及諸貴人書至則無及矣以此忤當道意遂棄官歸

朱文興字任卿值文廟災文興方宿學舍抱先師木主出已篋笥弗問萬厯中以貢生任延平訓導提學鍾惺檄所屬報劣生文興獨無以應惺轉